



**Claudii Fleurii Abbatis Historia Ecclesiastica**

Ab Anno Christi 1248. Usque Ad Annum 1276

**Fleury, Claude**

**August. Vind. [u.a.], 1765**

**VD18 90118243**

§.28. Papa Lugduno abit.

---

[urn:nbn:de:hbz:466:1-66255](#)

suasit Archiepiscopus Embrodunensis, qui Sæcul.XIII.  
eo fine ducentas argenti felibras clam ac- A C.1251.  
ceperat. Hinc appareat, quantum mu-  
tata sit disciplina: nam olim honoris  
gradu dejectus fuisset Episcopus, qui por-  
tasset arma. Fuit hoc inter alia Salonio *Sup.lib.34.*  
& Sagittario exprobratum an. 579. At- *§.38.*  
que ista observatio tanto gravioris est pon-  
deris, quod Hugo a S. Charo & Hen-  
ricus Segusianus inter celeberrimos sæ-  
culi sui Doctores fuerint, Hugo propter  
expositas sacras Litteras, Henricus ob Ca-  
nonici Juris peritiam.

## §. XXVIII.

*Papa Lugduno abit.*

Regina Blanca, cum Papam reditum *ap. Rayn.*  
in Italiam adornare sciret, per Nun- *n. 19.*  
cium ei regnum suum, & quidquid ex se  
penderet, obtulit, suumque ejus ante abi-  
tum invisendi desiderium indicavit. Ille  
in gratias effusus, ne tam incommodau-  
tens valetudine, id molestiæ sibi faces-  
seret, orabat, seque ad discessum adigi  
scribebat 18 Martii. Tum itidem se pur- *n. 23.*  
gavit Regi Angliæ se adituro: sed dene-  
gavit petitam decimam partem ecclesia-  
sticorum Scotiæ proventuum, eo quod  
res inaudita esset illam cuiquam Principi  
alieno in regno concedere.

*n. 25.*

**Sæcul. XIII.**

A.C. 1251.

**M. Paris.**

p. 712.

**Stero.**

an. 1251.

**Sup. lib. 82.**

§. 14.

**Matth. Par.**

p. 707. 710.

**Mon. Pad.**

p. 593.

**Rayn. n. 30.**

Papa verni jejunii tempus Lugduni agere pergebat, ubi die Cœnæ Domini sacro 13 Aprilis coram multis Episcopis iteravit anathema in memoriam Friderici, & in Conradum ejus filium, ut qui sine consensu Romanæ Ecclesiæ Imperium ac Siciliam sibi vendicassent. Simul ratam habuit Guilielmi Batavi electionem in Regem Romanorum. Decimo nono ejusdem mensis die Mercurii in hebdomade Paschatis Papa Lugduno abiit, postquam ibi sex annos & quatuor menses Matth. Par. traduxerat. Comitabantur eum plures Cardinales, Nobilium numerus, & Philippus Sabaudus electus Archiepiscopus Lugdunensis validum copiarum præsidium ducens, ut eundem ab incursibus Friderici partium tueretur. Evitatis multis periculis Genuam attigit patriam suam, quo cuncti Lombardiæ Optimates, qui partes ejus sequebantur, venerationis causa venerunt: usque ad 22 Junii ibi commorabatur.

## §. XXIX.

*Pastorum tumultus in Francia.*

Interim Gallia terribili pastorum motu agitabatur. Erat ibi Hungarus quidam Jacobus nomine sexaginta circiter annos natus, qui in juventute sua quadraginta abhinc annis pueros ad peregrinationem